



Bosnia and Herzegovina
STATISTICAL COUNCIL OF
BOSNIA AND HERZEGOVINA

Broj:11-07-3-40-3/18
Sarajevo, 19.02.2018. godine

ZAPISNIK

sa 4. sjednice Vijeća za statistiku BiH

Dana 14.02 2018. godine sa početkom u 13:00 sati u prostorijama Agencije za statistiku Bosne i Hercegovine, održana je 4. sjednica Vijeća za statistiku BiH.

Sastanku su prisustvovali članovi Vijeća za statistiku BiH:

Gospodin Velimir Jukić, direktor Agencije za statistiku BiH,
član Vijeća za statistiku Bosne i Hercegovine;

Gospodin Fadil Fatić, zamjenik direktora Agencije za statistiku BiH,
član Vijeća za statistiku Bosne i Hercegovine;

Gospodin Miljan Popić, zamjenik direktora Agencije za statistiku BiH
član Vijeća za statistiku Bosne i Hercegovine;

Gospodin Amir Hadžiomerađić, Centralna banka BiH,
član Vijeća za statistiku Bosne i Hercegovine;

Gospođa Mira Vujeva,
članica Vijeća za statistiku Bosne i Hercegovine;

Gospodin Sahrudin Sarajčić,
član Vijeća za statistiku Bosne i Hercegovine;

Gospođa Senija Fačić, rukovodilac podružnice Brčko distrikta BiH,
članica Vijeća za statistiku Bosne i Hercegovine;

Gospodin Boris Raić, Ministarstvo finansija i trezora BiH,
član Vijeća za statistiku Bosne i Hercegovine.

Odsutni su bili: gosp. Emir Kremlić, direktor Federalnog zavoda za statistiku, gđa Radmila Čičković, direktorica Republičkog zavoda za statistiku RS.

Sjednici su prisustvovali gosp. Enes Hadžiefendić (BHAS) i gđa Nisveta Džebo (FZS).

Tačke dnevnog reda:

- 1.Usvajanje zapisnika sa 3.sjednice,
- 2.Plan rada Agencije za statistiku BiH za 2018. godinu,
- 3.Razno.

Zapisnik:

Predsjedavajući Vijeća gosp. Sarajčić pozdravio je prisutne i utvrdio postojanje kvoruma. Dnevni red je jednoglasno usvojen, sa proširenom 2. tačkom dnevnog reda, a to je dostavljeno očitovanje na prijedlog Plana rada Agencije za 2018 godinu, od strane RZS-a.

Ad 1. Predloženi zapisnik sa 3. sjednice jednoglasno je usvojen.

Ad 2. Gosp. Jukić naveo je kako treba diskutovati i razmotriti određene stavove po pitanju Plana rada Agencije za statistiku BiH za 2018. godinu, ali da se treba zadržati isključivo na neusaglašenim stavovima te ih pokušati približiti i iznaći najbolje rješenje.

Gosp. Hadžiefendić je naveo da određeni stavovi RZS nisu nepremostivi i na Vijeću je da li će ih prihvatiti nakon što budu izneseni i pojašnjeni.

Nakon što je gosp. Hadžiefendić obrazložio unesene korekcije i komentare RZS, prisutni su diskutovali.

S obzirom da su po mišljenju RZS tri pitanja bila sporna: (da se dostavljanje podataka za tri ankete vrši u formi elektronski očišćene baze podataka, a ne sirovih podataka; da se u dijelu Popisa poljoprivrede koristi termin „rješenja“, a ne „zakonska rješenja“ i na kraju pitanje Nomenklature statističkih teritorijalnih jedinica, smatraju da je najbolje rješenje prvobitna formulacija iz varijante Plana rada koji je dostavljen u oktobru 2017. godine).

Donesen je zaključak da se u dijelu koji se odnosi na formu dostavljanja podataka koriguje Plan, u kojem će se podaci dostavljati u standardnom formatu u skladu sa Zakonom o statistici BiH.

Umjesto formulacije “zakonska rješenja”, u dijelu koji se odnosi na Popis poljoprivrede, koristiti će se termin “odgovarajuća legislativa”.

Kada je riječ o Nomenklaturi statističkih teritorijalnih jedinica u dijelu koji se odnosi na rezultat ove aktivnosti prisutni su se složili da se preformuliše stav i da glasi: Izrada dokumenta “Prijedlog nomenklature statističkih teritorijalnih jedinica u Bosni i Hercegovini (NUTS1, NUTS2 i NUTS3)”.

Ovako korigovan Plan rada Agencije za statistiku Bosne i Hercegovine za 2018. godinu, dobio je pozitivno mišljenje Vijeća za statistiku BiH.

Od strane gdn. S.Sarajčića, postavljano je pitanje o dostavi kraće informacije o aktivnostima u vezi Nomenklature statističkih teritorijalnih jedinica, te su nakon diskusije, prisutni članovi Vijeća donijeli zaključak, uz jedan glas protiv (gosp. Popić), da Vijeće za statistiku BiH traži kvartalno informaciju o dinamici, načinu i rezultatu rada vezano za NUTS3 do 31.03.2018. godine, od predsjedavajućeg putem Mehanizma koordinacije.

U skladu sa diskusijom, iznesenim stavovima, te mišljenjima prisutnih, svi su se složili da je potrebno istražiti stanje te mogućnosti za korištenje registara za buduće popise stanovništva. Potrebno je poduzeti određene aktivnosti u ovom smjeru.

Ad 3. Predsjedavajući gosp. Sarajčić upoznao je Vijeće sa dostavljenom literaturom od strane Republičkog zavoda za statistiku RS-a; Statistički godišnjak Republike Srpske, te Gradovi i općine Republike Srpske.

Sjednica je završena u 14 sati i 50 minuta.

Zapisnik sastavila:
Sekretar Vijeća za statistiku BiH

Anida Fazlić-Hadžić



Predsjedavajući Vijeća za statistiku BiH



Sahrudin Sarajčić